

71405  
4

彌撒經典

卷四



彌撒經典

卷四 各瞻禮



聖人本彌撒

聖安德肋宗徒

西曆十一月三十日

聖安德肋瞻禮。遇主日。則移後一日。如又遇阻于加倍加半瞻禮。再移後一日。凡加倍加半瞻禮。遇聖誕前四主日。亦如是。自聖誕前第四主日。至聖誕瞻禮。遇單瞻禮。惟念其憶祝文。加倍加半瞻禮。亦念聖誕前四主日憶祝文。

進臺 天主。以予爾友隆重至哉。厥王堅定甚哉。聖主爾已

試。且識予。爾知予坐。及予甦。附經欽頌榮福云云。

祝文 巍巍天主。吾等伏乞爾。聖安德肋宗徒。既為爾教會維

師維主。幸為我等在爾臺前。時時轉達。為爾子云云。

念聖葆琛宗徒與羅瑪府教友經書

仁昆。心信。以得義。口認。以得福。經曰。凡信伊。將無愧。蓋無分如德亞。暨厄勒濟亞人。眾人惟一主。富哉于呼號伊者也。

凡呼號主得真福。如未信伊。何以呼號。未聞伊。何以信。未傳示。何以聞。未遣。何以傳。經曰。傳報和平。傳報善好。美哉。厥履。但衆人弗聽從福音也。義撒意亞曰。主疇信攸聞于我等。是信德由于聞也。而攸聞。因基利斯督語矣。予云。有不聞乎。然其聲已傳遍地。而厥訓達于坤輿之四陲。

經 爾將置彼衆為普地鉅公主。彼將記憶爾名。附代吾祖 已生爾多子。故衆人將讚美爾。經 亞勒路亞。亞勒路亞。附主 以飴馨已愛安德肋。亞勒路亞。

接依聖瑪竇萬日畧經

維時耶穌游加理勒亞海濱。視西滿伯多羅。及安德肋昆仲二人。渠時張罟。蓋以漁為業。語之曰。從予。予使漁人。伊即應

命。棄網而從。行前視雅各伯。責伯德阿子。及若翰厥仲。偕父

居艇修網。召命同從。即捐網謝父而從。念信

獻 天主。以予爾友隆重至哉。厥王堅定甚哉。

默祝 懇祈天主。聖安德肋宗徒。聖禱。扶佐吾祭。賴慶其瞻

禮之德業。翁愜爾意。為爾子云云。宗徒

領聖 爾等從予。乃予使爾等漁人。伊即應命。棄網而從主。

領聖體 主。吾輩欣樂于聖安德肋瞻禮。已領天上奧義。求

爾。此既顯揚厥聖之榮。併賴厥功勩蒙罪之赦。為爾子云云。

聖方濟各沙物畧瞻禮。西曆十二月 月初三日

進臺 予昔多王前。言爾證而無失意。默存。予甚愛爾。令

途中無污。遵守主令。真福人哉。附 欽頌榮福云云。

天主爾因聖方濟各演教及靈異使印度等國人歸爾

聖教會惠然賜吾敬崇其功績師其遺德為爾子云云

念聖葆琰宗徒與羅瑪府教友經書

仁昆。心信以得義。口認以得福。經曰。凡信伊。將無愧。蓋無

分如德亞。暨厄勒濟亞人。眾人惟一主。富哉于呼號伊者也

凡呼號主。得真福。如未信伊。何以呼號。未聞伊。何以信。未傳

示。何以聞。未遣。何以傳。經曰。傳報和平。傳報善好。美哉厥履

但眾人弗聽從福音也。義撒意亞曰。主疇信攸聞于我等。是

信德由于聞也。而攸聞。因基利斯督語矣。予云。有不聞乎。然

其聲已傳遍地。而厥訓言達于坤輿之四陲

義人如把爾瑪樹將蕩。如利巴諾山則篤樹盛茂于主

宮。附經朝傳爾仁慈。夕傳爾真實。亞勒路亞。亞勒路亞。附經誘

試不屈。真福人哉。蓋試畢。將蒙天主見許于諸愛伊者。生命

之冕旒。亞勒路亞。

接依聖瑪爾哥萬日畧經

維時耶穌與門徒曰。游徧地。敷教于萬有人。信兼領聖洗。必

升。不信者必墮。信者倚予名。便行多奇。能驅惡神。能談異語。

命龍及蛇。遠人藏林。應命遠藏。食藥味。無被其毒。撫病人立

痊。

獻經。予真實。予仁慈。偕伊。因子名。厥勇將興起。

默祝。懇祈全能天主。俾攸獻者。視爾聖之榮享受。並精煉

吾神形。為爾子云云。

領聖 主臨時獲省晤。幸哉其僕。實語爾。使伊督主人諸物。

領聖體 全能天主。吾曹天糧領訖。賴爾聖方濟各轉達。使

因此天糧。于諸逆境護衛。為爾子云云。

益博羅削聖師

西曆十二月初七

進臺 教會聖殿中。已啓厥口。主以知識與明達之神已滿

伊。以榮福表衣。已衣伊。聖詠 巍巍天主。顯揚爾稱頌。爾名美哉。

附經 欽頌榮福云云。

祝文 天主使聖益博羅削。為民末福之司。懇祈爾。伊在世。既

為吾教師。在天幸為吾保主。為爾子云云。

念聖葆琛宗徒。與弟莫得阿經書。

至愛昆。予呼天主。及呼將審判生死者。耶穌基利斯督。因

其降世。並因厥國論。爾宜傳語。時耶非時。耶切切。即辯即求。

即責。忍耐。訓誨。將有時。不容正訓。任厥意。集多師。諂悅耳。

背真實。而就荒唐。爾宜謹慎。兢兢諸事。用聖史。供爾職。宜節

儉。予將往。而謝世。即邇。予已善戰。馳趨已畢。而守信德矣。餘

惟存吾義。冕公判我主。將償予于彼日焉。非獨償予。並將償

于凡愛其降臨者也。

經 斯即大撒責爾鐸德居世。翕愜天主意。附經 守上主教法。

無有似伊者。亞勒路亞。亞勒路亞。附經 主誓而不悔。爾從

默而其色德例。未撒責爾鐸德。亞勒路亞。

接依聖瑪竇萬日畧經

維時耶穌語厥門徒。爾曹如地上之鹽。苟失其味。加味于何

物乎。無所用。即委之。為人踐踏矣。爾如世光山巔之城。不能  
隱。燈燭。不能籠。必置諸高臺。照在室內眾人。爾光宜明人前。  
得見爾美功。讚美在天爾父。勿憶予來廢教法。與先知者言。  
蓋非來廢。乃成全也。予實許爾。天地未毀。斯教斯言。一字一  
畫。將無空也。凡廢一微誠。如是誨人。在天國為微末。如凡躬  
行。並教誨。在天為大。

獻經 予真實。予仁慈。偕伊。因予名。其勇將興起。

默祝 無始無終全能天主。攸獻爾臺前儀物。賴聖盎博羅

文 削精修轉達。賜我等享永遠之至飴。為爾子云云。

領聖 予因子聖一誓。達未德厥嗣。未存厥座。予前如日如

體 月望。世世忠証在天。

領聖體 予領末福之聖事。懇祈全能天主。聖盎博羅削祈

後祝文 禱。在在護祐。緣敬憶厥德。獻斯儀于爾臺前。為我等云云。

聖母始孕母胎瞻禮 西曆十二月  
月初八日

進臺 申爾福。童貞聖母。誕育乾坤世世之王。聖聖 予心已吐

經 善言。予工語之王。附附 欽頌榮福云云。

祝文 望主。賜爾僕天寵之恩。既聖母之產。為伊等蒙真福之

原始。其始孕母胎瞻禮。幸為和平之益。為爾子云云。

念知識經書

主厥途初始。未造何物最先者。獲予矣。予從無始者得列焉。  
從上古地未受造。深幽未有。予即孕生焉。水泉未發。重嶽未  
定。諸谷先。予受生焉。未造地。暨諸江河。坤輿八極。備列諸天。

周限海水。上監定諸天下。量衡水泉。限期海界。命水勿越本境。基址坤輿。予卽與焉。予偕伊制造萬有。日日忻樂。時時愉悅。厥前愉悅于天下。予喜。卽與人子游焉。是吾子卽聽予。守予諸道。乃真福。吾子卽聽。遵道法。乃爲智。勿棄之。聽予而日守予門。窺伺于予廊下。真福人也。得予卽得生命。而于主取福祐。

經

無玷本體。生救世之母童貞瑪利亞。爾爲讚美及尊敬。

附

寰宇弗克函容。天主母童貞者。囿爾腹中爲人。亞勒路

亞。亞勒路亞。

經

附福哉。至頌聖母童貞瑪利亞。乃義之太陽。出

爾已生。亞勒路亞。

接位聖瑪竇萬日畧經首卷

耶穌契利斯督。遠來及亞巴卽之子。生歷之譜。亞巴卽生依撒。是生雅各。是生如達。及其昆仲。是生發勃。及匝卽母名達瑪。是生厄斯鸞。是生亞郎。是生亞米納答。是生納算。是生撒滿。是生博阿斯。母名臘亞。是生阿白。母名露德。是生葉瑟。是生達未國王。是娶于烏利亞妻。而生撒落滿。是生羅薄益。是生亞彼亞。是生亞撒。是生藥撒法。是生藥郎。是生阿西亞。是生若亞當。是生亞加斯。是生厄色加。是生瑪納色。是生亞滿。是生若細亞。是生各尼亞。及其兄弟。時皆被虜。而徙于巴彼亂。厥後是生撒臘低額。是生速羅巴伯。是生亞彼迂。是生厄理亞精。是生亞作。是生撒鐸。是生亞境。是生厄旅。是生厄肋亞撒。是生瑪丹。是生雅各。是生若瑟。瑪利亞淨配。瑪利亞生



耶穌。渠以基利斯督為號。念信

獻經 童貞瑪利亞有福哉。爾懷造萬有。爾生造爾。永永童貞。

默祝 望主。爾惟一子為人者。拯救我等。伊由童母生。不惟

弗損。且聖厥貞。于聖母始孕母胎。厥瞻禮。吾罪已滅。幸耶穌

契利斯督。享受吾攸獻之物。為爾子云云。

領聖體 福哉聖母胎懷。懷未父之子。

領聖體 主。吾輩已領周年攸獻聖事。望爾為現世及後世

治吾之方。為爾子云云。

聖多默宗徒瞻禮。西曆十二月二十一日

進臺 天主。以予爾友隆重至哉。厥王堅定甚哉。聖詠 主。爾已

試。且識予。爾知予坐及予甦。附經 欽頌榮福云云。

文 祈望天主。使吾取榮于爾宗徒聖多默之瞻禮。賴其慈

祐。時時舉拔。以敬心之宜。隨從信德。為爾子云云。

念聖葆琛宗徒與厄弗所府教友經書

仁昆。爾曹非賓旅。又非異方。乃聖人同鄉。天主親炙者。見

造于宗徒。暨先知者之基。上。即耶穌契利斯督峻石角焉。伊

凡營造。則興工于上。為主聖殿。爾等于伊偕見造。為天主居

因聖神也。

經 天主。以予爾友隆重至哉。厥王堅定甚哉。附經 予將數彼

彼將生多許。越沙數矣。亞勒路亞。亞勒路亞。附經 義人宜欣

喜。正直人宜誦揚。亞勒路亞。

接依聖若翰萬日畧經

爾教經典

維時耶穌來時。多默十二宗徒之一。別名弟弟末。不在堂。眾徒與語曰。我等見主。答曰。非見其手釘迹。非我指入釘穴。非我手探其肋孔。必不信爾。八日後。宗徒乃聚一堂。多默俱。堂戶亦閉。耶穌進立其中。曰。予平者安居爾偕。乃謂多默曰。親指入斯穴。親視予手。親手探予肋孔。勿為不信輩。可為忠徒。多默豁曰。我真主。我天主。耶穌曰。多默以見我信我。乃有不見而信。斯果乃真福人。念信經

其聲已傳遍地。而厥訓言。達于坤輿之四陲。獻

默祝文 主。我等復償爾為役者之債。伏祈爾賴聖多默。爾宗徒轉達。保存爾恩賜于我等。吾視其尊貴之認。獻爾讚美之犧。為爾子云云。

領聖體

親手探釘迹。勿為不信輩。可為忠徒。

領聖體後祝文

望仁慈天主。垂盼我等。賴聖多默宗徒代求。惠然

保守吾爾之恩賜。為爾子云云。

聖母獻耶穌於主堂瞻禮

西曆二月初二日

此瞻禮。遇封大齋前第一之二。之三。主日。但祝聖。分蠟燭。並引。聖母彌撒。則移遷瞻禮二。辰時經念畢。鐸德穿紫色表衣。或不穿。輔彌撒各穿本衣。鐸德祝聖。燭在臺中。或臺前。或臺左。鐸德向臺依常彌撒音念。

主與爾偕。應並于爾神。

請眾同禱。

無始無終全能罷德肋聖主天主。爾從無中化

成萬有。而由爾命。借蜜蜂之工。以其液成蠟。為燭。又今日允

西默益義人祈禱。我等伏求爾。因爾至聖名之呼號。賴卒世

童貞聖母瑪利亞。今日虔心行其瞻禮轉達。及諸聖人祈禱。

降田福。祝田聖。此燭以人用。在神在身。在陸在水焉。又望爾。自爾聖天。自爾巍巍寶座。聽受爾民。願敬心手持者。歌詠頌揚爾者之呼號。又望爾惠然垂盼。凡以爾子寶血救贖號爾者也。其偕爾偕聖神。乃生乃王。世世。應亞孟。

請衆同禱。無始無終全能天主。爾今日由聖西默盎。懷獻惟一爾子于爾聖殿。伏祈爾寬仁。降田福。祝田聖。吾僕顯揚爾榮名。願持燃燭。及因爾上祐之光。照下。視吾等。以爾至怡愛德聖火受燃。奉獻于爾。吾主。吾天主。使吾見獻于爾榮福聖殿。亦爲是我等主。應亞孟。

請衆同禱。凡入此世。照諸人者之真光。吾主耶穌基利斯督。望爾洋溢于此燭。聖田福。因爾聖寵之光。祝田聖。其以屬見之火。逐夜暗。祈吾心以不屬見之火。卽因聖神之光。逐諸罪暗。是靈性之目。悉煉。凡合爾旨。及福祐我等之物。得見焉。此世險危。雲霧悉過。得至于無息之光。托賴爾。吾主救世耶穌基利斯督。爾偕聖三。乃生乃王。世世。應亞孟。

請衆同禱。無始無終全能天主。昔爾命爾僕美瑟。制設清油液。時時備爾臺前燈燭。望爾惠然賦此燭。爾聖田福之寵。俾射光于外。賴爾恩賜。于吾靈內。不息爾神之光。爲爾子我等主耶穌契利斯督。偕是聖神云云。應亞孟。

請衆同禱。吾主耶穌契利斯督。今日衣吾形之體。見于人間。由二親。獻于主堂。耆德西默盎。以爾聖神之光。默照。卽識爾。卽接爾。卽讚美爾。懇祈爾。吾輩以斯聖神之寵。受光與訓。

使真實識爾誠心愛爾爾偕天主罷德肋偕是聖神云云。應

亞孟。祝文念畢。鐸德三次灑聖水于燭。念對經。主。爾將灑我云云。又三次奉香。後修士長至臺。鐸德不跪

不親手。接燭。後鐸德在臺中向眾分燭。先與其所授者。後與兩位副祭者。及修士次序。末後眾人。接燭皆跪。親鐸德手。若有主教接燭。不親鐸德手。鐸德始分燭時。奏樂者歌對經。念

其來如光。因照異教人兮。其來如光。因照異教人兮。復念。目覩救世者。經對其來如

因榮福本國民兮。又復念。請主如昔許兮。命安謝世兮。後

念聖全曲。其來如光。因照異教人兮。復念。目覩救世者。經對其來如

光。因照異教人兮。因榮福本國民兮。備之諸民面前。對其來

如光云云。欽頌榮福云云。對其來如光云云。若今茲若末遠

云云。對其來如光云云。念畢唱

主興起。祐我等。因爾名救我等。附天主。吾耳已聞吾祖傳于

我等。附欽頌榮福云云。復天主吾耳云云。

後鐸德念請眾同禱。此瞻禮。遇封大齋三主。日前若非主日。副祭念。請跪。應請起。

文祝懇祈天主。俯聽爾民祈禱。凡以周年與我等于外憶敬

賴爾聖寵之光。獲于內。為基利斯督我等主。應亞孟。後引

德着香于吊爐。然安靜即行。奏樂因基利斯督名。亞孟。後引

後副祭向眾念西宛宜美麗爾室。迎契利斯督王。懷天門瑪利亞。蓋

諸對伊懷新光榮福之王。童貞者。攜厥子生啓明先者而止立焉。

西默盎捧懷嬰。傳于民。其為生死及救世者之主。

又對聖神許西默盎。厥終先。必躬覩救世者。二親懷嬰入

殿。伊迓捧懷嬰。頌揚天主曰。請主如昔許兮。命僕安謝世兮。

附二親懷嬰入。欲行定禮。伊懷嬰。

經

附二親懷嬰入。欲行定禮。伊懷嬰。

進堂亦歌唱為伊遵主教令。獻或斑鳩。或鴛一對。附經瑪利亞。既

取潔期。遵美瑟教令。捧嬰之京。獻聖父。附經欽頌榮福云云。

遵主教令。引行畢。鐸德偕副祭卸紫色衣。穿白衣。做彌撒。念萬日畧經。舉揚聖體。至領聖體時。左右輔彌

撒。皆持點燭。

### 彌撒

進臺天主。吾已承爾仁慈于爾殿中。天主依爾名。即是爾

頌揚于普地諸境。爾右手滿義。聖詠主大矣。讚美至矣。于吾天

主府。于厥聖山。附經欽頌榮福云云。

祝文無始無終全能天主。吾等伏求爾巍巍臺前。今日爾惟

一子。衣吾形體。見獻于聖殿。懇使吾精煉見獻于爾。亦為是

爾子云云。

念瑪蠟琪亞先知者經書

天主云。予政遣予天神。予面前備理道徑。爾攸覓者王。及爾

攸望詔書者之天神。來厥聖殿。師旅之主云。即來。又疇克思

厥降之日。又疇當見伊。蓋伊如火鎔燃。如濯衣人之草然。其

將坐鎔且精煉銀而鍛肋微之眾子。如傾金銀然。彼將獻主

犧牲也。是茹答暨日路撒冷犧牲。將合天主意。如古世之年

日然。蓋全能天主所云。

附經天主。吾已接爾仁慈于爾殿中。天主依爾名。即是爾頌

揚于普地諸境。附經昔攸聞。是即已覩于吾天主府。于厥聖山。

亞勒路亞。亞勒路亞。附經老者攜嬰。而嬰扶老者。亞勒路亞。

此瞻禮遇封大齋前三主日。則不念亞勒路亞。與其附經。乃念延經。請主如昔許兮。命僕

安謝世兮。目覩救世者兮。備之諸民之前兮。其來如光。因照異教人兮。因榮福本國民兮。

接依聖路加萬日畧經

維時瑪利亞。既滿取潔期。遵美瑟教令。捧嬰之京。獻聖父。先時天主益命。獻首胎男子。並獻或斑鳩。或鴛一對。時都有德義欽畏士。名西默盎。篤望天主將慰本國。聖神恒居厥心。許厥終先。必躬覩救世者。是日聖神曠。令詣聖殿。適二親懷嬰入。欲行定禮。伊迓捧懷嬰。頌揚天主。曰。請主如昔許兮。命僕安謝世兮。目覩救世者兮。其來如光。因照異教人兮。因榮福本國民兮。念信經爾唇備美。故天主降福于爾。永遠世世。

默祝

望主。聽受吾禱。爾巍臺前。攸獻儀物。合宜者。與我等

爾仁慈扶祐。為爾子云云。

念聖因聖子降生云云。

領聖

西默盎蒙聖神默啓。許厥終先。必躬覩救世者。

領聖體

懇祈吾主。吾天主。此為救贖吾人者。護衛。見賜聖

與諸義者。賴卒世童貞聖瑪利亞轉達。幸為現今及將來治

吾之方。為爾子云云。

聖瑪第亞宗徒瞻禮

西曆二月二十四日  
閏年二月二十五日

進臺

天主。以予爾友隆重至哉。厥王堅定甚哉。聖主。爾已

試。且識予。爾知予坐及予甦。附欽頌榮福云云。

祝天主。爾賜聖瑪第亞入爾宗徒之會。懇祈爾。賴其轉達。

使吾時時覺悟爾仁慈之心。為爾子云云。

念宗徒行實經書

維時伯多羅眾友中起堂內集聚。幾一百二十人。曰。吾友。經攸書聖神因達未德口預言。擒耶穌者首茹答。今其言符矣。彼向人吾數。與吾同業。斯人已獲惡質之地。自縊身破裂為二。五臟盡傾洩。凡居日路撒冷皆知焉。斯地本稱亞則而答瑪。卽血地也。聖詠載。向彼所住。成為曠野。無人居。其爵位。他人將得焉。故此會中。自吾主耶穌在吾間出入。始若望領洗者。至昇天之日。宜選一位。為其復活者之證。時置二位。一若瑟。稱巴爾撒巴。並稱義人。一瑪第亞。眾祈曰。主。爾知眾人心。懇示。此二選一。補茹答負義宗徒之位。時鬪分。瑪第亞獲之。

入十二位宗徒數。

經附天主。以予爾友隆重至哉。厥王堅定甚哉。經附予將數彼。

彼將生多許。越沙數然。經延主爾已滿厥心。覬覦弗負厥唇。願

欲。經附蓋爾以聖福之飴。已預畀伊。經附以玉冕旒。已加厥首。

接依聖瑪竇萬日畧經

維時耶穌曰。予揚聖父天地真主。蓋閉乎斯于世之哲者。而開世之小者。父欲如是。悉由于父無測之意。予父畀予萬物柄。無人知子。惟父者知之。無人知父。惟子者知之。子欲示人。人則得知。苦難者。荷任者。俱來邇予。予慰輕。爾伏項承予軛。法子。予性良善。心謙遜。爾神乃康。予軛飴矣。予任轡矣。經念信爾將置彼眾。為普地鉅公。主彼將世世記憶爾名。

默祝 吾攸獻犧牲。賴聖瑪第亞爾宗徒祈禱。望主精煉及

護衛我等。為爾子云云。念宗徒序

領聖體 從予爾等。將坐座上。審判義撒厄爾十二支。

領聖體 後祝文 懇祈全能天主。吾攸領聖事者。賴聖瑪第亞爾宗

徒。即蒙赦宥。即得和平。為爾子云云。

厄我畧教皇及聖師 西曆三月十二

進臺 天主鐸德讚美主。眾聖及心謙者稱頌天主。聖詠 天主

諸受造者。請讚美主。稱頌舉揚于無窮世。附欽頌榮福云云

祝文 天主以求福酬爾僕厄我畧靈魂。惠然賜我等。被罪孽

重壓。賴其祈禱。蒙其扶翼。為我主云云。

念聖葆琛與弟莫得阿經書

至愛昆。予呼天主。及呼將審判生死者耶穌基利斯督。因

其降世。並因厥國諭爾。宜傳語。時耶非時耶。切切即辯即求

即責。忍耐訓誨。將有時不容正訓。任厥意集多師。諂諛悅耳。

背真實。而就荒唐。爾宜謹慎。兢兢諸事。用聖史。供爾職。宜節

儉。予將往而謝世。即邇。予已善戰。馳趨已畢。而守信德矣。餘

惟存吾義。冕公判我主。將償予于彼日焉。非獨償予。並將償

于凡愛其降臨者也。

經 主已誓而不悔。爾永撒責爾鐸德。從默而其色德例。附

主語。吾主曰。爾坐予右。延 畏天主。真福人哉。于厥令忻樂

甚。附 厥嗣于地。將強。直人之代。將蒙福。附 厥宮即榮。即

富。而厥義永存。



接依聖瑪竇萬日畧經

維時耶穌語厥門徒。爾曹如地上之鹽。苟失其味。加味于何物乎。無所用。卽委之爲人踐踏矣。爾如世光山巔之城。不能隱。燈燭不能籠。必置諸高臺。照在室內衆人。爾光宜明人前。得見爾美功。讚美在天爾父。勿憶予來廢教法。與先知者言。蓋非來廢乃成全也。予實語爾。天地未毀。斯教斯言。一字一畫。將無空也。凡廢一微誠。如是誨人。在天國爲微末。如凡躬行並教誨。在天爲大。

獻經 予真實。予仁慈。偕伊。因子名。厥勇將興起。

默祝文 祈望天主。允聖厄我畧代求。攸獻之儀裨益我等。蓋

賴此祭。普地罪愆咸蒙其赦。爲我等主云云。

領聖體 忠哉智哉役夫。主使督其家時。與家人麥糧。

後祝文 天主賜教皇聖厄我畧。于爾衆聖功勳爲侔。慨然

允賜我等。敬憶其瞻禮。師其德表。爲我等主云云。

聖若瑟瞻禮 西曆三月十九日

進臺經 義人如巴爾瑪樹。發花如利巴諾山。則篤樹茂盛。植

于主宮。于吾天主宮廊下。 聖詠 巍巍天主。顯揚爾。而頌爾名美

哉。 附經 欽頌榮福云云。

祝文 伏望吾主。荷蒙至聖母淨配之功績。翼衛我等。吾力所

弗克。賴其轉達。卽允獲爲爾子云云。

念知德經書

見愛于天主。並于人。美哉憶想。天主于聖人之榮與之侔。且

顯揚伊。使仇敵畏怯。因厥語訓。馴異獸。衆王前尊榮伊。與令厥民前。示厥榮矣。因厥信。及良善堅定伊。且簡于多衆。蓋已聽伊與厥聲。導之雲下。授之教令。及生命與義律之箴。

經 主。以聖福之飴。已先與伊。以玉冕旒。已加厥首。附伊求

爾生命。使之長壽。世世。延畏天主者。真福人哉。于厥令欣樂

甚。附厥嗣于地將強。義人之代將蒙福。附厥宮即榮。即富。而

厥義永存。復活後念 亞勒路亞。亞勒路亞。附主。已愛伊。文飾伊。

以榮福表衣。衣伊。亞勒路亞。附義人如白荷將放。主前未世。

發花。亞勒路亞。

接依聖瑪竇萬日畧經

耶穌母瑪利亞。既適若瑟。未媾合。因斯彼利多三多獲胎。厥

夫若瑟既義人。而不欲露。憶暗遣之時。天神夢見曰。達未德

子若瑟。勿懼。受爾耦瑪利亞。蓋生于伊者。即由于斯彼利多

三多矣。將產子。爾名以耶穌。蓋渠將救厥民于罪愆。念信

獻 予真。及予慈。偕彼。而因吾名。厥勇將舉。

默 主。吾償爾。吾僕。攸負欠者。伏乞托爾子耶穌契利斯

督母聖若瑟。淨侶轉達。保守爾恩。賜于我等。緣仰厥瞻禮日。

吾獻讚美之祭。亦為是爾子云云。

領 達未德子若瑟。勿懼。受爾耦瑪利亞。蓋生于伊。即由

于斯彼利多三多。

領 望仁慈天主。垂盼我等。賴聖若瑟轉達。保守爾恩

賜于我等。為爾子云云。

聖母領報瞻禮

西曆三月二十五日

進臺

萬民諸富將欽崇爾容。從伊多童女引進于王。邇伊

者踴躍見引往爾。

聖詠

予心已嚶嘉言。予工語之王。

附經

欽頌榮

福云云。

祝文

天主爾昔因天神之報俾爾子于童女聖瑪利亞胎取

肉軀我等伏求爾吾既信其為天主真母賴其轉達幸得厥

扶祐亦為是爾子云云。

念義撒意亞先知者經書

維時主語亞加斯曰。求何徵于爾主天主。或獄下耶。或天上

耶。亞加斯曰。予弗求。不敢妄試主。又曰。達未德同宗。則聽爾

等賓人為小事乎。尚竇吾天主乎。因此主將與爾預兆。童女

即受孕誕子。厥名稱瑪訥厄爾。食酥乳蜂蜜。得識棄惡擇善。

聖經

爾唇備美。故天主降福于爾世世。

義者。爾右手異然將引爾。

延經

吾女宜聽宜覩宜傾爾耳。蓋王

已羨爾粹容。

附經

萬民諸富將欽崇爾。王女多欽崇爾。

童女多引進之王。其邇者引至于爾。

附經

樂且踴躍見引之王

聖殿。

復活時不念。聖經與延經。乃念

亞勒路亞。亞勒路亞。

附經亞物。瑪利

亞。滿被額辣濟亞者。主與爾偕焉。女中爾為讚美。亞勒路亞

附耶瑟枝。已曠童女生天主而人。天主復降和平。即合于已

至下者于至上。亞勒路亞。

接依聖路加萬日畧經

維時天主遣天神嘉必爾。詣加理勒亞地。納匝肋得府。朝報

童女。既適達未宗人名若瑟。童貞之名瑪利亞。神入室朝曰。亞物。滿被額辣濟亞者。主與爾偕焉。女中爾為讚美。渠聞驚異。默思來繇。天神復告曰。瑪利亞勿驚。幸獲天主聖寵。適將懷孕生子。立名時。稱之耶穌。厥位大位。厥稱至高者之子。主將賜以達未厥父御座。求王雅各伯家。厥國永無疆之國。瑪利亞應曰。我既童身。爾言曷行。神答曰。聖神將降臨安息爾上。更至上之能。將陰庇爾。緣攸產子。誕時。厥聖純備。其稱天主之子是也。且爾親依撒伯爾。雖年老胎荒。今猶姪有六月。天主無有莫能行之行。曰。主之婢女在茲。希惟如汝之言。至成于我。念信經

獻經 亞物。瑪利亞。滿被額辣濟亞者。主與爾偕焉。女中爾為

讚美。爾胎實並為讚美。

默祝文

祈望天主。堅定吾心于真教。諸奧義。我等既信彼降孕于童女。為真天主。而真人。賴其具利益復活之德。至于永樂。亦為是爾子云云。

領聖體

童女將受孕而產子。厥名稱瑪諾厄爾。

領聖體後祝文

懇祈天主。以爾聖寵。賦于我等靈魂。俾我凡由天神之報。已知爾子耶穌降孕者。因其苦難。及其十字聖架。幸迨于復生之榮福。亦為是爾子云云。

聖斐理伯聖雅各伯兩位宗徒瞻禮

西曆五月 初一日

進臺經

主。彼眾困苦時。已呼號爾。爾自天聽受厥禱。亞勒

路亞。亞勒路亞。

聖詠

義人宜踴躍。真直人。宜合一稱頌。附經 欽頌

榮福云云。

文祝 天主。爾使吾等。于聖斐理伯。及雅各伯。兩位宗徒。每年

瞻禮欣樂。懇祈爾。吾悅其功行。並師其遺則。為爾子云云。

念知識經書

諸義人。向困厄已者。而奪其功勞。毅然立焉。彼自視即駭愕之甚。見伊等忽得真福。乃悔而憔悴呻吟。心中云。吾當日且謂且侮斯輩人。嗟吁。吾痴且狂。度其生為狂。其終無榮。今伊等錄于天主子冊。與聖人同嗣。亞勒路亞。亞勒路亞。聖主。

諸天頌揚爾靈異。即爾真實于諸聖人會。亞勒路亞。附經。予已

居爾間久。爾猶弗知予。斐理伯。人見予。見予父同一。亞勒路亞

接依聖若翰萬日畧經

維時耶穌語門徒曰。汝心勿忽勿惶。汝信天主乎。兼可信予。予父宮內多處。予語爾。今逝預備爾處。既備。再臨接攜爾。同昇同居。予攸已居。汝輩已識予。適攸去。且已識厥道。多默曰。徒槩弗識。師奚去。奚識道乎。耶穌曰。予道路也。真實也。常生也。欲之聖父。依予克之。爾得知予。則知予父。未幾當知焉。爾輩已見予父。斐理伯曰。主允弟視聖父。弟願滿矣。足矣。主曰。憐哉爾迷。予已居爾間久。爾猶弗知予。斐理伯。人見予。見予父同一。奚云允視聖父。曾未信予在父。而父在予乎。予言匪出乎予。父居予內。躬行予行。汝曾未信予在乎父。而父在乎予。倘弗信予言。宜予行是信。確于汝云。人實信予。必行奇行。擬予之行等奇。猶愈奇。予適將詣聖父故也。而賴予名而禱

聖父。予悉允爾禱。念信經

獻經 主。諸天將顯揚爾靈異。卽爾真實于諸聖人會。 亞勒

路亞。亞勒路亞。

默祝文 懇祈天主。斐理伯雅各伯。兩位宗徒。攸獻儀物享受。

凡當受災患。惻然驅免。爲爾子云云。

領聖體 予已居爾間久。爾猶弗知予。斐理伯。人見予。見予父

同一。亞勒路亞。曾未信予在父。而父在予乎。 亞勒路亞。亞

勒路亞。

領聖體後祝文 福吾奧義滿訖。祈望天主慶賀瞻禮之聖人。幸以

厥祈禱得蒙扶祐。爲爾子云云。

尋得十字架瞻禮 西曆五月初三日

進臺經 吾曹宜光榮于吾等主耶穌契利斯督十字架。吾等

吾命吾復活在此。因彼卽得救贖。 亞勒路亞

望天主憐我等。降福于我等。厥容照我等。憐我等。附經 欽頌榮

福云云。

祝文 天主。爾于尋得救世十字架。復興爾受難靈異。祈爾賴

命木寶具。臻于常生之域。爲爾子云云。

常彌撒。念立山額文。爵竇都樂。致命者。及儒物那勒。主教祝文。 祈望全能天主。吾敬立山

額文。爵竇都樂。及儒物那勒。誕日。賴其轉達。脫免于將來克

惡。爲爾子云云。

念聖葆球宗徒與斐理伯。府教友經書

仁昆。爾儕宜知惟一耶穌契利斯督。具天主體模于天主

侔。不以爲僭。乃自抑取僕像。依稀爲人。而服式則人焉。謙抑自卑。聽命至死。釘十字架而死。緣此天主不顯之。而加美號超越諸名號之上。凡聞耶穌名。居上天神。居中世人。居下邪魔。此跪。悉屈膝焉。而衆口服認吾主耶穌基利斯督。于天主罷德。肋偕榮。亞勒路亞。亞勒路亞。聖詠。諭異教者。蓋主已。王由木。亞勒路亞。附甘哉厥木。甘哉厥釘。爾擔荷甘任兮。爾獨敢當背負諸天之王與主兮。亞勒路亞。

接依聖若翰萬日畧經

維時有宦臣。名倪閣德。夜造耶穌曰。師。予識天主命爾降世。因爲世師。孰克行師攸行。而天主弗與偕焉。耶穌答曰。我實語爾。人弗次生。弗爲新人。弗克上天。倪閣德曰。旣生旣老。詎

得次生。克乎次入母胎。次出而生。曰。予確云爾。人倘弗繇水。弗繇聖神。自新再生。弗克入天。受生于人。人也。受生于神。神也。勿疑予言爾。爾輩當自新次生。盍視風乎。任起任發。汝聞其聲。固莫測何來何往。人繇聖神而生。一然。倪閣曰。夫俱奚能爲乎。曰。爾爲國師。尚懵茲理。予誨人。惟言攸明知。惟證攸明見。爾輩猶輕吾證。今將目前淺理示人。人猶弗信。使將天上奧理。信者幾乎。從來弗人昇天。獨予從彼而降。亦恒居于彼。且若每瑟舉銅龍于曠野。予然當被舉。信者且無隕。且存厥命于無窮末。念信

獻經

主右手已行勇。主右手已舉予。予將不死乃活。卽傳頌

主工。亞勒路亞。

默祝 主。吾攸獻于爾犧牲。霽威享受。使吾脫于諸爭戰之  
克惡。因爾子十字架號。破滅讐敵陰謀。置吾于爾覆翼之堅  
定。亦為是爾子云云。

為聖立山 等默祝文 祈望天主。降洪福于此犧牲。惠然使吾見聖。于

聖人瞻禮忻樂。為爾子云云。念十字序

領聖體 以十字。聖架號。天主我等主。救我等。于我讐。亞勒路

亞。

領聖體 後祝文 吾已飽天糧。受補于聖飲。祈望全能天主。凡因爾

子十字義械。使之得勝。保護于惡讐。亦為是爾子云云。

為聖立山 等領 聖體後祝文 吾輩滿被福祐。與事懇主。吾敬憶聖人。賴

爾聖立山。額文爵。實都樂。及儒物。那勒。轉達。獲其扶翼。為爾

子云云

聖若翰保弟斯大誕日瞻禮 西曆六月二十四日

經 聖 主。自子母胎稱予名。使予口如鋒刃然。厥手幕下已

護予。又使予似美箭然。聖 誄 至上者稱讚主。誄歌爾名。美哉。附 經

欽頌榮福云云。

祝文 天主。爾使吾聖若翰保弟斯大誕日。為顯榮之日。懇祈

爾。與爾民神樂之恩。及使諸信者之靈。引于榮福正道。為爾

子云云。

念義撒意亞先知者經書

海嶼宐聽。遐民宐專意。主。由子母胎召予。自子母胎記予名。

使予口如鋒刃然。厥手幕下已護予。使予似美箭然。潛予于



箭袋。又語予曰。義撒厄爾。乃予僕。予將取榮于爾。今自母胎造予。主曰。選爾為異教之光。使爾為吾民拯救。至地末境。多王將觀。多君將起。奉敬為主。及聖義撒厄爾。乃選爾。

經 予造爾于胎先。已試爾。未出胎。已聖爾。附 主。已伸厥手。

點予口。且語予。亞勒路亞。亞勒路亞。附 嬰兒。汝將稱為上尊。

先知者。將驅主前。備理厥道。亞勒路亞。

接依聖路加萬日畧經

依撒伯爾孕期既至。產子。隣親聞受天主特錫來慶。第八日。將行割損禮儀。共議嬰名。欲稱匝加厥父名。母弗曰。若翰其定名。眾曰。爾族無一若稱。擬決厥父。舉手目擡。問子之名何。父請布日蠟。書曰。若翰厥定名。眾異。厥父口立謠。舌立伸。與

丕讚主恩。隣者悉驚。奇異。倏流。速溢。隣境。聞者曰。斯嬰來日。將為誰。奇矣。斯孩。天主親手之工焉。時聖神廣滿。匝加靈心。賜克知克言。將來多奇。曰。本國真主。天主膺承殊福。躬降以視。以贖厥民。不念信經。若本堂或遇主口。或聖體瞻禮八日內。或本瞻禮第八日。因在宗徒八日內。則

念。

獻 義人如巴爾瑪樹。發花如利巴諾山。則篤樹茂盛。

默祝 主。吾以獻物滿爾聖臺。蓋慶賀其誕日。預言救世者

將來。已來指爾子耶穌契利斯督我等主。其偕爾云云。

領聖 嬰兒。汝將稱為上尊者之先知。將驅主前。備理厥道。

領聖體 望主。聖若翰保弟斯大誕日。爾教會欣樂。因彼知

識其復新者之原始。爾子我等主耶穌云云。

聖伯多羅聖葆球二位宗徒瞻禮

西曆六月二十九日

進臺

今即明知主遣厥天神脫救我于黑落得及如德義

經 衆人之望

聖主爾已試且識予爾已知予坐及予甦附欽頌

榮福云云

祝文

天主視爾宗徒伯多羅葆球致命寶死使今日為聖日

懇祈爾教會既因彼始興幸于凡事遵守厥戒諭為爾子云云

念宗徒行實

維時黑落得王亟行困苦教友既斬若望兄雅各伯見如德亞人悅圖拘伯多羅維時巴斯掛瞻禮既拘又困之付于十六兵卒守之巴斯掛瞻禮畢以示衆伯多羅在獄禁守諸教友會集為彼祈禱天主不間黑落得將發落伊前晚伯多羅

繫二鎖一卒偕眠左右兵士守獄門即時天神與焉室內光照乃擊伯多羅肋省之曰速起是柩已落矣天神語之曰係帶且着袴伯多羅如是行又曰衣爾衣從予出從伊不知天神攸行果然似為物象耳過第一第二戍至進城鐵門即自開偕出行一街時天神忽不見矣伯多羅悟曰今即明知天主遣其天神脫救我于黑落得及如德義衆人之望

經

爾將置彼衆為普地鉅公主彼記憶爾名附代汝祖生

爾多子故民衆將讚美爾亞勒路亞亞勒路亞附汝稱伯

多羅斯石上將立予聖教會亞勒路亞

接依聖瑪竇萬日畧經

維時耶穌入斐理伯責匝勒亞境問徒曰國人擬予如何對

曰。或曰。師乃若翰葆弟斯大。或曰。乃厄理亞。或曰。乃日理米亞。或曰。乃已亡前知聖人之一。耶穌次問曰。爾輩擬予如何。伯多羅曰。斯實乃基利斯督。生活天主聖父之子。耶穌曰。西滿巴爾若納。實乃真福。肉血弗示汝。第在天子父默牖。予亦語汝。汝稱伯多羅。斯石上將立予聖教聖宮。地獄之門。雖力攻。不致頽圯。又將畀付汝天門鑰匙。爾在地擬人罪。或繫或釋。予同在天繫釋。念信經

經 爾將置彼眾為普地鉅公。主。彼記憶爾各世世。

默祝文 望主。宗徒祈禱陪送。吾向爾名者攸獻犧牲。賴彼使

吾得精煉。得護祐。為爾子云云。宗徒序

領聖體 汝稱伯多羅。斯石上將立予聖教會。

領聖體後祝文 望主。凡以天膳飽飫。賴爾聖宗徒代求。幸護救于

諸逆境。為爾子云云。

聖雅各伯宗徒瞻禮 西曆七月二十五日

進臺 天主。以予爾友隆重至哉。厥王堅定甚哉。聖詠 主。爾已

試且識予。爾知予坐及予甦。附經 欽頌榮福云云。

祝文 望主聖爾民。護爾民。賴爾宗徒聖雅各伯衛翼。以善行

悅爾。以定心奉事爾。為爾子云云。

非大彌撒。念聖基利斯督福祿致命憶祝文 懇祈全能天主。吾輩慶賀聖基利

斯督福祿致命者誕日。賴其轉達。毅然前進于爾名之愛。為

爾子云云。大彌撒不念憶祝文

念聖葆琛宗徒與歌林多府教友經書

仁昆。吾度天主示我等門徒末後猶定死地然蓋吾輩為天神者及世俗者及眾人者俳優焉吾與契利斯督乃痴爾曹于契利斯督即知吾弱爾勇吾卑爾尊至此時吾即飢即渴即裸被掌游閒親手作工受詈吾即讚美受困苦吾即忍呪詛吾即懇求吾似為此世污穢而至今眾人目如塵埃然予書斯于爾等弗欲報爾乃誨訓如吾至愛之子蓋若有于契利斯督一萬師但父不多予因萬日畧生爾輩於耶穌契利斯督。

經 爾將置彼為普地鉅公主彼記憶爾名附代吾祖生爾多子故眾人將讚美爾亞勒路亞亞勒路亞予簡爾曹于世使行而結實汝實恒存亞勒路亞。

接依聖瑪竇萬日畧經

維時責伯德阿子之母暨厥子近耶穌跪稽求錫主問曰求何答曰主既即本國之位賜予二子一于左一于右同坐耶穌曰胡弗識攸求克飲予將飲之爵乎曰克主語之曰異日固飲惟與汝子左右之座罔係予予父已定斯座匪能再改

念信

經

獻

默祝

其聲已傳遍地而厥訓言達于坤輿之四陲

懇祈天主爾宗徒聖雅各伯聖死合和爾民攸獻之物凡吾功不及悅爾賴其轉達翁合爾意為爾子云云

聖契利斯督福

主已享吾禱及吾獻儀望爾以天上奧事

即淨潔即俯聽我等為爾子云云

爾致命祝文

領聖體 從予爾等將坐座上。審判義撒厄爾十二支。

領聖體 後祝文 祈望天主賴爾宗徒聖雅各伯代求。扶祐我等緣

慶賀其瞻禮。吾欣然領爾聖物為爾子云云。

聖契利斯督福祿致 命領聖體後祝文 吾主吾天主我等一時慶賀爾聖人

瞻禮。望爾永遠享見其容。為爾子云云。

聖婦亞納瞻禮 西曆七月二十六日

進臺 吾眾宜欣樂于主。蓋慶賀聖亞納瞻禮。此日天神欣

樂。合一頌揚天主子。聖予心已嘖嘉言。予工語之王。附欽頌

榮福云云。

祝文 天主爾賜聖亞納為爾惟一子母者之母。惠然賜我等。

慶賀其瞻禮。蒙其護翼。亦為是爾子云云。

念知德經書

疇遇毅婦哉。其值自遐方而至末境。良人心倚伊。庶不須檢

掠事物矣。其將復伊善事。不復惡事。平生如是焉。已覓叛與

麻。親手作工。如商舟遐方來載。厥糧。夜間起檢點事物。與其

家人糧食。與其婢輩。詳察美田。即置焉。由厥手之工。栽葡萄

林。毅然已束厥腰。且堅厥臂也。試且日擊貿易利用。厥燈夜

不滅。厥手執巨事。厥指恒運動。向彼伸掌。開厥手于貧者。下

雪。不慮其家人寒凍。因家人衣加倍。其自製裳衣。厥衣細布

及紅絨緞。良人于城門。與世家同坐尊榮矣。製造細布。售鬻

而腰帶。則與加納扭。厥衣勇且榮。末日即含笑矣。啓口講學。

實寬裕之箴規。察其家範。弗聞食厥糧。其眾子已起而稱羨

為至福哉。良人顯揚伊哉。多女子既積財。汝則越眾。若秀麗  
乃詭美姿。乃虛。惟畏天主婦。即稱頌。請汝等與伊手。厥工之  
實。末日顯揚伊。

經 爾已愛義而惡惡。附經 故天主爾天主。以樂油已傳爾。

亞勒路亞。亞勒路亞。附經 爾口備美。故天主降福于爾世世。

亞勒路亞。

接依聖瑪竇萬日畧經

維時耶穌語厥門徒曰。天國擬重寶藏于田。或窺其端而覆  
藏之。不勝喜。必傾所有購此田也。又天國擬覓寶者。偶見一  
美珠。必盡捐貨市之。又天國如舉網海中。聚水族各品。已滿  
止坐尾上。嘉者納諸器。其不嘉者棄之。世界窮盡亦然。天神

來別善惡。惡者悉昇火窑。彼哀號切齒之聲。爾輩悉喻乎。答  
曰。唯唯。又謂彼眾在天國學士。如家主發厥寶藏。新舊畢露。

獻經 多王女欽崇爾。皇后衣多色金衣侍立爾。

默祝文 望主霽威。盼視此犧牲。賴聖亞納。為爾子耶穌基利

斯督我等主母者之母。俾我心虔而身安。亦為是爾子云云。

領聖體 爾口備美。故天主降福于爾世世。

領聖體後祝文 望祈吾主天主。吾倚天上聖事之健。賴賜為爾子

母者之母。聖亞納轉達。得屈于長生之域。亦為是爾子云云。

聖依納爵瞻禮 西曆七月三十一日

進臺 因耶穌名。在天。在地。在獄者。宜悉跣。羣口稱頌。蓋主

耶穌基利斯督。偕天主罷德。助榮福。聖詠 凡愛爾名。取榮于爾。

蓋爾降福于義人。附欽頌榮福云云。

文 天主宣揚爾榮名。因聖依納爵建新藩。固聖教戰會。祈

賴厥翼遺型。吾茲世力戰。偕伊蒙榮冕于天。爾偕天主云云。

念聖葆琛宗徒與弟莫德阿經書

至愛者。宜記我等主耶穌基利斯督達未德裔。自死復活。

依予萬日畧。令苦勞禁鎖猶不減者。但天主言弗鎖。予忍此

事。皆為預簡。獲永安于耶穌基利斯督。在天福。爾得予訓規。

主持信。愛容忍。殘迫。在詣地阿機亞。義歌尼亞。利西的。等苦。

予忍受焉。一切蒙主救。凡為耶穌基利斯督行仁。必被窘難。

性 義人如巴爾瑪樹發花。如利巴諾山。則篤樹盛茂于主

宮。附 朝傳爾仁慈。夕傳爾真實。亞勒路亞。亞勒路亞。附 誘

試不屈。真福人哉。蓋試畢。將蒙天主見許于諸愛伊者。生命

冕旒。亞勒路亞。

接依聖路加萬日畧經

主復選七十二徒。覲面耦遣之。先行將詣郡邑諸方。諭之。穡

事多。行工寡。宜祈穡主。遣傭收之。爾等即去。遣爾如綿羊豺

狼中。勿攜小橐及囊與履。途次勿拜禮何人。入人家。首日。和

平于此家。若有和平之子。爾和平安息于彼。否則歸爾。駐彼

家。食飲攸備可也。傭者領其值。宜然。勿徙居。入郡邑。容爾。飲

食攸與爾者。而療厥病。乃語伊等曰。天主國臨矣。

獻 予真實。予仁慈。偕伊。因子名。厥勇將興起。

默 祈望天主。聖依納爵仁。扶持吾獻儀。昇與義之事。諸

德之泉誠聖吾儕為我等主云云。

領聖體予降來置火于世欲何欲燃。

領聖體主我等為聖依納爵謝恩已獻讚美犧牲望其轉

達引導吾儕永頌爾威顯為爾子云云。

聖多明我 西曆八月初四日

進臺義人口將默存知識敷言平衡主令存于厥心。聖勿

師惡人勿妬行惡者。附經欽頌榮福云云。

祝文天主以聖多明我精修功勳及懿訓輝耀爾聖會賜允

賴其轉達凡屬形之資不乏係靈之事日進為我等主云云。

念聖葆珠宗徒與弟莫得阿經書

至愛昆。予呼天主及呼將審判生死者耶穌基利斯督因

其降世並因厥國諭爾宜傳語時耶非時耶切切即辯即求

即責忍耐訓誨將有時不容正訓任厥意集多師詔諛悅耳

背真實而就荒唐爾宜謹慎競競諸事用聖史供爾職宜節

儉予將往而謝世即邇予已善戰馳趨已畢而守信德矣餘

惟存吾義冕公判我主將償予于彼日焉非獨償予並將償

于凡愛其降臨者也。

聖經義人如巴爾瑪樹發花如利巴諾山則篤樹盛茂于主

宮。附經朝傳爾仁慈夕傳爾真實亞勒路亞亞勒路亞。附義經

人如白荷將放主前永世發花。

接依聖路加萬日畧經

維時耶穌語厥門徒爾曹宜束腰持燈燭似役輩俟厥主新



婚宴歸。至而叩門。即時開焉。主臨時。遇彼醒寤。真福役輩哉。予實語爾。主繫腰而令上席。經過伏侍彼焉。一更至。二更至。遇之如是。幸哉彼役輩。爾須知家主知盜來時醒寤。不許穿其居。爾輩宜備。爾不意時。人子即來。

獻經

予真實。予仁慈。偕伊。因子名。厥勇將興起。

默祝文

祈主恭進儀物。伏望祝聖。賴聖多明。我功勳。愈治我

等。為我等主云云。

領聖體

忠哉智哉。役夫。主使督其家。時與家人麥糧。

領聖體後祝文

全能天主。我等為罪孽重壓。望祈垂允。因聖多明

我精修。扶祐提挈。為我等主云云。

聖老楞佐致命者瞻禮

西曆八月十日

進臺經

主臺前拜颺。穆穆然。皇皇然。恪恭溥博。即為欽崇聖

堂誦

請眾向主。同奏新歌。遍地請奏。附欽頌榮福云云

祝文

全能天主。昔爾使聖老楞佐克受火床酷刑。懇祈賜僕

滅罪惡之火。為爾子云云。

念聖葆琛宗徒。與歌林多府教友。經書

仁昆。少稼少穡。稼善事。穡善事。各以其心定。非戚戚與無

奈。蓋天主愛慨然捨施者。天主能豐盛聖寵于爾曹。使爾于

凡事充足。多積于善功。如已書云。散與貧者。厥義世世存。凡

供種子于稼者。將使獲膏糧。及增多爾種。加爾義之實。

經

主。已試予心。而夕察予。附以火試予。無獲不善于我。

亞勒路亞。亞勒路亞。

附經

勒未達。老楞佐行善功。以十字聖號。

明瞽者。亞勒路亞。

接依聖若望萬日畧經

維時耶穌語門徒曰。麥粒匪播匪死。獨孤存。倘播倘死。則結多實。受命者失命。在世而惡厥命。乃存以享萬世生命。事予者宜從予。逝時則居于現攸居。在天予父。必榮光從予者焉。

不念信經。本堂或遇主日則念。

獻主臺前拜颺。穆穆然。皇皇然。恪恭溥博。即為欽崇聖堂。

默祝

望主。享虔誠攸獻之儀。賴爾聖老楞佐功勳轉達。扶

翼吾等。以蒙永福。為爾子云云。

領聖體

役事予。即從予。予在。予役在焉。

領聖體後祝文

聖賜飽飫。伏祈天主。吾以役事儀節敬憶。賴爾聖

老楞佐致命轉達。裨益吾靈魂。為爾子云云。

聖母昇天瞻禮

西曆八月十五日

進亭

吾眾宜欣樂于主。蓋慶賀卒世童貞聖瑪利亞瞻禮。

伊昇天。天神欣樂。合一讚美天主子。

聖詠予心已愛嘉言。予工

語之王。附經欽頌榮福云云。

祝文

祈望天主。赦爾僕罪愆。我等視本行。弗克悅爾。賴爾子

吾主母轉達。允獲福祐。亦為是爾子云云。

念知識經書

予畢凡事。已覓靜安。將居主基業。是時造萬有者命。且語予。

造予者。已寓于予室。又語予曰。汝居于雅各伯。于義撒厄爾

基業。又于予攸簡者。宜置根也。予定基于西宛。並于祝聖之

府安憇而寓日路撒冷。已置根于顯民之嗣業。在吾天主之本基。予恒居聖人之滿。予已舉如則多樹于利巴諾山。如柏樹于西宛山。予已舉如巴爾瑪于佳得。如玫瑰栽于日利各。如美阿理瓦于平原。如槐樹邇水于街衢。如桂皮。如巴爾撒磨馥郁。如蜜臘發興甘馨芬芳矣。

經 為真實及良善及義。爾右手將引爾。附 女子聽而覩。即傾爾耳。蓋王已慕爾粹容。亞勒路亞。亞勒路亞。附 瑪利亞

昇天。天朝師旅欣樂。亞勒路亞。經 接依聖路加萬日畧經

維時耶穌入小郡。有女名瑪爾大。館之家。厥妹名瑪利亞。坐伏主足。聆訓。瑪爾大迫急治席。向主告曰。妹留我獨勞。主無

顧。請命起以佐。主曰。瑪爾大。瑪爾大。迫諸眾。須者惟一。瑪

利亞。攸選至極美務也。竟無物能奪厥務。念信

獻 瑪利亞昇天。天神欣樂。合一讚美主。亞勒路亞

默祝 天主聖母祈禱。望主祐救爾民。伊隨肉形情勢。已知

樂世。今在天享榮福。幸于爾臺前。為我等轉達。亦為是爾子

云云。序 聖瑪利亞升天。念八日。凡遇他瞻禮亦然。

體 領聖 瑪利亞攸選至極美務。竟無物能奪厥務。以至于無

窮。

領聖體 吾等公同天上盛筵。呼號吾主天主。慶賀天主母

升天瞻禮。望爾賴其代求。脫于將來諸克惡。亦為是爾子。云云

聖巴爾多祿茂宗徒瞻禮。西曆八月二十四日

爾散經典

進臺 天主以予爾友隆重至哉。厥王堅定甚哉。聖 主。爾已試。且識予。爾知予坐及予甦。附 經。欽頌榮福云云。

祝文 無始無終全能天主。爾定今日慶賀聖巴爾多祿茂宗徒瞻禮。懇祈爾教會攸信卽愛。攸誨卽傳。為爾子云云。

念聖葆琛宗徒與歌林多府教友經書

仁昆。爾曹乃基利斯督身體。而由肢者肢焉。天主置于聖教會。首先者為宗徒。次先知者。三教師。次行靈異者。治諸病者之寵恩。佐助。治事。言各方語。翻譯。豈皆宗徒乎。皆先知者乎。皆教師乎。皆行靈異乎。皆蒙治病恩乎。皆知各國語言乎。爾等宜愛慕上賚。

經陞 爾置彼為普地鉅公主。彼將記憶爾名。附 經。代爾祖已生

多子。故眾民將顯揚爾。亞勒路亞。亞勒路亞。附 主。宗徒榮

會讚美爾。亞勒路亞。

接依聖路加萬日畧經

維時耶穌登山。通夜默道。天曙呼諸徒。選十二。名之亞玻斯多羅。西滿也。主命厥後稱伯多羅。安德肋其兄也。雅各伯也。若翰也。斐理伯也。巴爾多祿茂也。瑪竇也。多默也。雅各伯亞爾弗阿也。西滿伊名曰責落德也。如達雅各伯也。付主者茹答也。厥後下山。止平地。諸徒且眾。自如德亞。及日路撒冷。及海濱之人。及弟落。及西端。偕從耶穌。因聆厥訓。因愈身病。因驅惡神。蓋厥德達布于外。病者撫而立痊。念 經。信

獻 天主以予爾友隆重至哉。厥王堅定甚哉。

經 天主以予爾友隆重至哉。厥王堅定甚哉。

默祝 文 主。我等敬憶聖巴爾多祿茂爾聖宗徒瞻禮。懇祈爾。吾為彼獻爾讚美犧牲。賴其護祐。蒙爾恩賜。為爾子云云。

宗徒

序

領聖

體

主曰。從子。爾等將坐座上。審判義撒厄爾十二支。

領聖體  
後祝文

主。吾已領求贖質券。望爾賴聖巴爾多祿茂爾宗

徒轉達。為今世後世護祐。為爾子云云。

與吾斯定主教及聖師

西曆八月二十八

進臺

教會聖殿中。已啓厥口。主以知識與明達之神。已滿

伊。以榮福表衣。已衣伊。

聖詠

巍巍天主。顯揚爾。稱頌爾。各美哉。

附 欽頌榮福云云。

望主垂盼敬憶爾聖者。吾之伏禱。我等弗克倚本義。托

翁爾意者。功勳。得其扶翼。為爾子云云。

為聖厄爾默  
德致命憶文

天主爾以毅勇之德。堅定聖厄爾默。致命

者。吾師其行。賜我等為愛爾。能輕世福。而不懼諸逆境。為我

等主云云。

念聖葆琛宗徒與弟。莫得阿經書

至愛昆。予呼天主。及呼將審判生死者。耶穌基利斯督。因

其降世。並因厥國諭爾。宜傳語。時耶非時耶。切切即辯。即求

即責。忍耐。訓誨。將有時不容正訓。任厥意集多師。諂諛悅耳。

背真實。而就荒唐。爾宜謹慎。競競諸事。用聖史。供爾職。宜節

儉。予將往而謝世。即邇。予已善戰。馳趨已畢。而守信德矣。餘

惟存吾義冕。公判我主。將償予于彼日焉。非獨償予。並將償

于凡愛其降臨者也。

經 義人口將默存知識。敷言平衡。附主令存于厥心。不被

鉤跌。亞勒路亞。亞勒路亞。聖誄予已獲予僕達未德。以予聖油

已傳伊。亞勒路亞。

接依聖瑪竇萬日畧經

維時耶穌語厥門徒。爾曹如地上之鹽。苟失其味。加味于何物乎。無所用。即委之為人踐踏矣。爾如世光。山巔之城。不能隱。燈燭不能籠。必置諸高臺。照在室內。眾人。爾光宜明。人前。得見爾美功。讚美在天。爾父。勿憶予來廢教法。與先知者言。益非來廢。乃成全也。予實語爾。天地未毀。斯教斯言。一字一畫。將無空也。凡廢一微誠。如是誨人。在天國為微末。如比躬

行並教誨。在天為大。

獻 義人如巴爾瑪樹。發花如利巴諾山。則篤樹盛茂。

默 聖奧吾斯定。精修祈禱。合吾獻儀。並為我等時。邀爾

之恩赦。為我等云云。

聖 德。憶爾眾聖。攸獻讚美之祭。懇祈因厥聖獲被

榮光。賜我等永享天福。為我等主云云。

領 忠哉智哉役夫。主使督其家。時與家人麥糧。

領 主。獻祭裨益我等。乞爾精修聖奧吾斯定聖師代

求。為我等云云。

聖 主。我等飫領天上聖福。祈求爾仁慈。賴聖

厄爾默德致命。謙履攸行。黽勉克獲。為我云云。

聖母聖誕瞻禮

西曆九月  
初八日

此瞻禮于聖母始孕母胎同。但始孕母胎。改念聖誕。

聖亞弟亞諾致命憶文

懇祈全能天主。吾慶賀聖亞弟亞諾爾致命

誕日。賴其轉達。吾心堅于愛爾之德。為爾子云云。

聖亞弟亞諾默憶文

主。吾攸獻。且祈禱既受。望爾以天上奧事。即淨

潔。即俯聽我等。為爾子云云。

領聖體後聖亞弟亞諾祝文

祈望吾天主。吾等在世慶賀爾聖人之瞻

禮。棄世未享厥聖容。為爾子云云。

聖瑪竇宗徒兼聖史瞻禮

西曆九月  
二十一日

進臺

義人口。將默存知識。厥舌敷言平衡。主令存于厥心。

聖詠 勿師惡人。勿始行惡者。

祝文

望主吾托聖瑪竇宗徒兼聖史祈禱。幸蒙扶祐。比本力

弗克。賴其轉達。允獲為爾子云云。

念聖厄色基厄爾先知者經書

厥容似獸四像。右似人與獅。左似犢。上似鳳。厥容與翅上翔。各以兩翅合。以兩翅遮體。各面前行。隨本神聳動。是行。行不返。諸獸面形。如紅火。如明燈然。此則獸中游現者。火光由火出閃焉。獸行且返。如閃電光然。

聖經

畏天主。乃真福人。甚樂于伊令。

附經 厥種日強于地。義人

子孫。將獲福祐。

亞勒路亞。亞勒路亞。

附經 主。宗徒榮會。讚美

爾。亞勒路亞。

接依聖瑪竇萬日畧經

維時一人名瑪竇。坐征稅所。耶穌適過。目之曰。從予。即起而從。時具宴。欸耶穌。征稅及罪人。貫魚繼至。耶穌諸門徒偕席。司教者竊視。謂徒曰。汝師同征稅。同罪人並席。理乎。耶穌聆曰。人無病。不必召醫。病者則召。蓋思經詞。蓋達厥旨。經內天主云。吾尚仁。弗尚祭。予匪降召義者。惟降召罪者焉。念信經主爾以寶冕已加厥首。伊已求命于爾。爾已與伊。亞勒路亞。

默祝 望主爾教會。蒙聖瑪竇宗徒兼聖史弘誨。使攸獻之物。因厥禱享受。為爾子云云。宗徒序

領聖體 厥榮洪哉。于爾救世者。主。爾以顯榮。以至美將加伊。

領聖體 主。吾等已領聖事。賴聖瑪竇宗徒兼聖史轉達。

後祝文 主。吾等已領聖事。賴聖瑪竇宗徒兼聖史轉達。

凡為顯厥榮攸行。幸為治吾之方。為爾子云云。

建聖彌格爾大天神殿。西曆九月二十九日

進臺 厥天神宜頌揚主。富于德能者。已聆厥聲。即行其令。

聖詠 吾靈讚美主。吾五中皆頌揚厥聖名。附欽頌榮福云云。

祝文 天主。爾以異秩。分列諸天神及諸人職事。懇祈爾。在天

恒侍爾之神。護衛地上之人。為爾子云云。

念聖若翰宗徒默照經書

維時天主遣厥天神。示照厥僕若翰。速宜行之事。渠凡見為

天主言。及耶穌基利斯督証。誦聞此經預示之言。而固守。乃

真福人也。蓋時邇矣。若翰與亞西亞教友七聖會語。今有。已

有。將有者。暨侍厥座前七神。與諸死首甦者。忠證。及愛吾等。



而以厥血洗吾罪。諸世王者王。耶穌基利斯督。望賜爾曹聖寵及和平。

經 厥天神宜頌揚主。富于德能者。已聆厥聲。即行其令。附經

吾靈讚美主。而吾五中皆頌揚厥聖名。亞勒路亞。亞勒路

亞。附經 聖彌格爾總領天神護我等于交戰。而審判嚴日。勿許

吾沉淪。亞勒路亞。

接依聖瑪竇萬日晷經

維時門徒詢耶穌曰。天國諸聖人中孰大乎。耶穌攜孩置弟

間曰。確于爾云。弗變而為若孩。天國靡人。卑細者若孩。則大

于天國。人為子館舍孩童之一。館舍子然若誘信子孩童之

一。使陷于尤。宜繫磨石厥頸。沉諸海。差世態。人弗能弗招人

尤。良可惜斯人。予云爾。爾手足引爾于惡。斫之可。遠之可。寧

無手足。而入常生域。無寧手足全。入永無滅之火。爾目引爾

為愆。剔之可。遠之可。寧進常生之境。而眇一目。無寧當永火

之罰。而目全。爾勿忽斯童之一。予于爾云。厥天神恒覩在天

予父之面。念信經

獻經 邇殿臺。天神已立。手執金爐。接多乳香。厥香烟騰天主

臺前。亞勒路亞。

默祝文 主。吾等獻爾讚美犧牲。伏求爾。賴爾天神轉達。霽威

享受。福祐我等。為爾子云云。

領聖體 天主諸天神。宜讚美主。歌詠舉揚伊世世。

領聖體後祝文 吾倚聖彌格爾總領天神轉達。伏祈爾。口攸念。心

即獲為爾子云云。

熱樂尼莫聖師

西曆九月三十日

進臺經

教會聖殿中。已啓厥口。主以知識與明達之神。已滿

伊。以榮福表衣。已衣伊。

聖詠

巍巍天主顯揚爾。稱頌爾名美哉。

附經 欽頌榮福云云。

祝文

天主。于爾教會解明諸經聖熱樂尼莫大聖師。懇爾賴

厥德義。言行法則。祈爾扶祐。庶克踐行。為我主云云。

念聖葆琛宗徒與弟莫得阿經書

至愛昆。予呼天主。及呼將審判生死者耶穌利斯督。因其

降世。並因厥國諭爾。宜傳語。時耶非時耶。切切即辯。即求即

責。忍耐。訓誨。將有時不容正訓。任厥意。集多師。諂諛悅耳。背

真實而就荒唐。爾宜謹慎。兢兢諸事。用聖史供爾職。宜節儉。

予將往。而謝世。即邇。予已善戰。馳趨已畢。而守信德矣。餘惟

存吾義。冕公判我主。將償予于彼日焉。非獨償予。並將償于

凡愛其降臨者也。

陸經 義人口。將默存知識。敷言平衡。附經 主令存于厥心。不被

鉤跌。亞勒路亞。亞勒路亞。附經 主已愛伊。文飾伊。以榮福表衣

已衣伊。亞勒路亞。

接依聖瑪竇萬日畧經

維時耶穌語厥門徒。爾曹如地上之鹽。苟失其味。加味于何

物乎。無所用。即委之為人踐踏矣。爾如世光山巔之城。不能

隱。燈燭不能籠。必置諸高臺。照在室內眾人。爾光宜明人前。

得見爾美功。讚美在天爾父。勿憶予來廢教法。與先知者言。益非來廢。乃成全也。予實語爾。天地未毀。斯教斯言。一字一畫。將無空也。凡廢一微誠。如是誨人。在天國為微末。如凡躬行並教誨。在天為大。

獻義人如巴爾瑪樹發花。如利巴諾山則篤樹盛茂。

默祝我等蒙天上之恩賜。懇主垂祐。自如奉事爾。俾攸獻

之儀。賴聖熱樂尼莫精修。居世平和。後世永福。為我等主。云云

領聖忠哉智哉役夫。主使督其家。時與家人麥糧。

領聖體吾曹天膳飫飽。祈求仗聖熱樂尼莫精修。獲爾仁

慈之寵。為我等云云。

聖方濟各 西曆十月初四

進臺予取榮惟于我等主耶穌基利斯督十字架。因伊以

予世俗釘十字。而世俗與予亦如之。聖予聲號主。予聲求主。

祝天主因聖方濟各功績。以新眾子廣爾教會。祈禱吾師

其行者。輕世物。而獲天上之恩賜。恒樂。為我主云云。

念聖葆琛與加辣達府教友經書

仁昆。予取榮惟于我等主耶穌基利斯督十字架。因伊以

予世俗釘十字。而世俗與予亦如之。蓋于基利斯督耶穌前。

割損與否。俱不置焉。惟新受造之物而已。凡遵此規。望天主

和平。及仁慈于伊等。與義撒厄爾矣。餘事勿擾予。蓋予身負

我等主耶穌傷跡。我等主耶穌基利斯督之聖寵。偕施于爾。

陞義人口。將默存知識。厥舌敷言平衡。附主令存于厥心。

不被鉤跌。亞勒路亞。亞勒路亞。附方濟各貧微而富麗若天。

以天主之詠尊頌。亞勒路亞。

接依聖瑪竇萬日畧經

維時耶穌答曰。予父天地主。盡識爾輩。味彼高學及智者。而顯其微小者。予父是也。厥旨如是。凡物皆予由予父。識子者惟父。識父者惟子。及子欲默啓者。眾困苦勞及荷重任者。來就予。予安爾。汝來負予。輓而師予。夫子良善而心謙。汝靈即獲寧。蓋予輓飴矣。予任輓矣。

獻予真實。予仁慈。偕伊。因予名。厥勇將興起。

默祝望主獻儀于爾。伏乞祝聖。托聖方濟各。潔我等于諸

罪污。爲我等主云云。

領聖忠哉智哉。役夫。主使督其家。時與家人麥糧。

領聖體祈求主。錫天上聖寵。廣大爾聖教會。因聖方濟各

精修偉行及懿表。使之光耀昭明。爲我等主云云。

聖西滿聖達陡二位宗徒瞻禮

西曆十月二十八日

進臺天主。以予爾友隆重至哉。厥王堅定。甚哉。聖主。爾已

試且識予。爾知予坐及予甦。附欽頌榮福云云。

祝天主。爾因西滿達陡二位爾聖徒。使吾得識爾名。望爾

我等慶賀伊求福。使我前進于道德。爲爾子云云。

念聖葆琛宗徒與厄弗所府教友經書

仁昆。吾輩因基利斯督與之度量。各受聖寵。故曰昇上隨

攜已獲昔被擄者。恩賜眾人矣。昇上者何。因先降下地也。降

者卽是昇諸天之上。以萬有得充滿焉。渠使有宗徒者。有逆  
知者。有經史者。有教主暨師者。以成聖人之全。各供本職。造  
成基利斯督體。俟吾衆逐。以一信德之合。與天主子之職。成  
全人。依基利斯督之歲齒。

經

爾將置彼衆爲普地鉅公主。彼記憶爾名。附代吾祖已

生爾多子。故衆人將讚美爾。亞勒路亞。亞勒路亞。亞勒路亞。聖天主

爾友隆重至哉。厥王堅定甚哉。亞勒路亞。

接依聖若翰萬日畧經

維時耶穌謂門徒曰。攸命乎汝。惟相愛耳。世惡汝。當知先惡  
予。汝倘爲世人。世必愛汝。視之若其物。爾輩非世人。予簡拔  
出于世。世惡汝者故。宐憶予言。夙謂汝曰。僕弗先厥主。世人

既已迫予。異日必亦迫汝。凡已遵予言者。必遵汝之語。予二  
三子來日。爲予必遭多逆。但汝逆皆由于世。不知遣予聖父  
焉。令予弗降。弗親諭人。則人靡辜。今也其辜靡有託故也。人  
惡予。兼惡予父。使予在時。弗行多奇。從來匪人先行。世罪差  
可原。茲既見多奇。猶憎予。猶憎予父。經曰。無故憎予。厥言茲  
有驗。念信

經

其聲已傳遍地。而厥訓言達于坤輿之四陲。

文

主。吾等敬憶爾聖宗徒西滿達陡末榮。乞爾。吾等因

聖事煉畢。使加謹虔慶賀。爲爾子云云。

宗徒

從予。爾等將坐座上。審判義撒厄爾十二支。

領聖體

主。吾曹已領聖事。伏乞賴爾聖西滿聖達陡二位

爾牧經典

宗徒轉達。凡所行敬其苦難。成治吾之方。為爾子云云。

諸聖瞻禮 西曆十一月十一日

進臺 吾眾宜忻樂于主。慶賀諸聖瞻禮。此日天神歡忭。合

一讚美天主子。聖詠 義人宜踴躍于主。真直者宜合一讚美。附經

欽頌榮福云云。

祝文 無始無終全能天主。爾使諸聖功行。一瞻禮內統為敬

憶。懇乞爾會多聖代求。充然加吾以爾仁慈。為爾子云云。

念聖若翰宗徒默照經書

維時予若翰再見一天神。具活天主號。自東上昇。授付害地

與海四神者。大號曰。勿害地與海與樹。俟印吾天主僕之額

上。是予聞義撒厄爾眾子。印數十四萬四千。茹答支。一萬二

千。路本支。一萬二千。加得支。一萬二千。亞色支。一萬二千。聶

大理支。一萬二千。瑪納瑟支。一萬二千。西默益支。一萬二千。

勒未支。一萬二千。依撒加爾支。一萬二千。撒補鑾支。一萬二

千。若瑟支。一萬二千。伯尼亞民支。一萬二千。厥後見天下各

國異支異語多眾。不勝其數。立羔羊座前。皆衣白衣。手持巴

爾瑪。舉大聲號曰。吾天主。坐座前。並羔羊萬福兮。眾天神排

列。厥座眾耆老及四獸環圍焉。座前皆俯伏。欽崇天主曰。亞

孟讚頌光耀智德。稱謝榮顯德勇。歸吾天主。世世亞孟

經 厥諸聖。宜畏天主。蓋凡畏主無所乏。附經 凡覓主將得諸

福。亞勒路亞。亞勒路亞。附經 凡劬勞而負重任就予。予即瞻

養爾。亞勒路亞。

接依聖瑪竇萬日畧經

維時耶穌視眾齊從登山既坐門徒就主主啓口訓曰神貧者乃真福為其已得天上國良善者乃真福為其將得安土泣涕者乃真福為其將受寬慰嗜義如饑渴者乃真福為其將得飽飫哀矜者乃真福為其將蒙哀矜心淨者乃真福為其將得見天主和睦者乃真福為其將謂天主之子為義而被窘難者乃真福為其已得天上國爾倘為予被呪辱殘害妄誣乃真福者受苦時可喜悅既迨天國必承隆報念信經義人眾靈在天主手惡人苦害將弗近彼以愚人目似死然彼實安息

默祝文

吾等誠心獻儀于主望視爾諸聖榮顯恆合爾意而

怡然福祐我等為爾子云云

領聖體

心淨者乃真福為其將得見天主和睦者乃真福為

其將謂天主子為義而被窘難者乃真福為其已得天上國

領聖體後祝文

懇祈天主使信爾眾民慶賀諸聖瞻禮時時欣樂

賴其代求恒獲其護祐為爾子云云

八日內做本瞻禮日彌撒第二祝文即聖神祝文第三聖教會祝文或教化皇祝文





